

# DISPUT

## COMPOSET A NEVEZ

ENTRE

### UR C'HEREER

HAC

## UR BOTOER COAT.

*Var un ton nevez.*

Mar gallan gout ar feçon, e steuin da rima  
Eun disput a neve flam, d'en em divertissa,  
Savet entre ar C'hereer hac ar Botoer coat :  
Pa vent crog en eur bontail int daou pot dilicat.

O daou o deus prometet e mige digante,  
Goude formi eun disput excellent entrese ;  
Eun doucen vio fritet hac eun tam bara guen,  
Hac eur banne da effa en fin ar ganaouen.

Mar be glebiet an anchen ar bombard a zono,  
A zilao gant parfeti eun darn a resono,  
Vit ho lacât da zisput an eil oc'h e guile  
Ha neu pas rimâ netra nemer't ar virione.

— Er gouan ec'h intentan, eme ar Botoer coat,  
E me a zeu da viscan treid an dud dilicat,  
Ha te, Quereer infam, gant ta votou ler,  
A zigaç ar c'hlenvejo hac eun nombr a vizer.

— Eun tam eo istimet huelloc'h ma etat  
Evit n'en deo da hini, pot ar Botoer coat,  
Ma rançe beajerien bale gant sorgello,  
E vent eun anter hirroc'h oc'h ober campagno.

— Evit prepari'n douar da lakat an trevat  
Eo eun dra necesser cavet eur botou coat ;  
Ne voeler den o palat er parc gant botou ler  
Ha c'hoas e fell dit laret ne n'on get necesser.

— Goud a ran eo ar botou coat a gonserv ar yec'het  
Hac a brepar an douar evit lacât an ed,  
Evel ma c'her da redeç er parc gant o vejo  
E scanvoc'h ar botou ler evit eur sorgello.

563 B

2.

— Pa deni an'erc'h, hac ar scorn, hac ar gouan calet,  
 E ranko ar C'hereer paca e vinaouet ;  
 Ha me doucho an arc'hant partout er marc'hajo,  
 Ha te a sello ouzin ha digor da c'heno.

— Pa erruo ar mis meus, hac an neve amzer  
 Da visca an habijo brao hac ar botou ler,  
 Neuze na vo istimet netra ar boto coat ;  
 Ur boto ler da vale a so traou dilicat.

— Alies e renq'es mont da dy ar c'hivijer  
 Ha na pe nemet tri scoet pe eun tri scoet anter,  
 Ha me laca assambles bete c'huec'h ugent scoet  
 Da brena ar c'hoat boto evit ar baysantet.

— Goel a ze dit, ma mignon, pa teus eur bern arc'hant ;  
 Au neb o deus nebeutoc'h a vev honestamant.  
 Me a deb q'ic ha zouben, ma yod da greis-de :  
 Ordinal ec'h intentant on bevet couls a te.

— Poent eo din finissa rac an nos a dosta,  
 Hac an hostis a jeno pa na effomp netra,  
 Hac a roi din hon c'honje, Coader a Q'ereer,  
 Da bartian deus he dy ha mont da gaet ar guer.

— Ebars en hostaleri e vo rezonio,  
 Disput entre ar vignonet ha chass-bleo evecho ;  
 Ar c'hoste crea c'hone ebars en peb affer :  
 Mar q'eres ni a velo, eme ar C'hereer.

Goude leis cov e crogjont vel daou guy animet,  
 Ha stagan d'en em gannan evel tud malisset,  
 Q'eu ha rang'as an hostis q'emer e vas ribot,  
 Ha sq'ei voar zin discregui en sœçon ma oant crog.

Goulennomp eur chopinat d'en em dispartia :  
 An hostis on servijo mar deuomp d'e bea,  
 Ilac evomp pep a vanac'h e fia ar ganaouen ;  
 An oll a ranc caout boto pe vale dierc'hen.

An hini en eus rimet an disput dilicat  
 Savet entre eur C'hereer hac eur Botoer coat,  
 En eus gret meur a hini, e hano *Yan ar Goen*,  
 Hac a veler ordinal en fin ar ganaouen.



FIN.

# Ar Vran hac ar Louarn.

Voar an : ton : *Tra deri dera, tra la la!*

Eur vech eur Vran coz ral, var eur blantea perchet,  
A zalc'he en e vec eur fourmajen scornet ;  
Pa zantas ar houeuz-se, eul Louarn nemeur bras  
A zostas polimant, a dar Vran lavaras :

Var ton an tra la la la, var ton an tra la la la,  
Var ton an tra deri dera, tra la la.

— Ah ! bonjour ta, Vran quez, a penos a rit-hu ?

— Me non quet fal, merci, laras ar Vran dustu ;

A va oll bugale, nemerd ar c'hantekyet

Pehini gand ar scorn a so goal eurumet.

Var ton an tra la la la, etc.

— Min toue vad, Vran quez, c'hui so goal brao guisquet,  
Dre sur en ker Paris e ve gret o tillet.

— Ya, respontas ar Vran, pa glevas ar gomz-se,  
Rac en ker Lanhuon ne visquer qet guis-se.

Var ton an tra la la la, etc.

— Ho ! mar canit quen brao evel oc'hu guisquet,

Neus quet er baros-mâ caner vit o heuillet.

Canet-ta dem, mar plij, pe cantic, pe chanson,

Ni glevo ac'hanoc'h gant cals attention.

Var ton an tra la la la, etc.

Pa glevas ar frim-se, ar Vran, digompliment,

A ganas eur chanson tost diligentamant.

Ractal pa gomanças, pa ne oa quen dalhet,

A goeas eus e vec e fourmajen scornet.

Var ton an tra la la la, etc.

Al Louarn, laouen bras, pa velas an dra-se,

Lampus var ar fourmaj, ac en debas, ma fe.

Neuse e lavaras dar Vran disconcertet :

— Ne ousoc'h quet cana, noc'h quet tam brao guisquet.

Var ton an tra la la la, etc.

— 4 —

Pa glevas quement-se, ar paour quez Vran chagrin  
Lavaras d'al Louarn : — Va fot, te so bed fin ;  
Mes evit eur vech al, ne lesin quet biquen,  
M'en assur did, Louarn, dibri va fourmajen.

Var ton an tra la la la, etc.

#### KENTEL.

Cetu eun avis mad var ben ar chanson-ma ;  
Yranet coz pe yaouanc, silaouet tout brema :  
Mar carit ar fourmaj, pa debfot anezan,  
Ne ganit quet neuze, chaquit atao nean.

Var ton an tra la la la, etc.

## PARC AR VINGLEUZ

*Voar eun ton da ober.*

E pad an de pelec'h voac'h chomet,  
Autrou quez Bourjet,  
E parc Vingleuz an Daouniet,  
Mignonet din, mignonet,  
E parc Vingleuz an Daouniet,  
Pehini meus bet prenet.

Euan petra so bet gret  
Autrou quez Bourjet  
Graç dan oll asistantet  
Mignonet din, mignonet,  
Graç dan oll asistantet  
Ar parc so bed difonset.

Dre sur houï so goal caref,  
Autrou quez Bourjet  
Pa so deut cals a dud vad,  
Do sicour tout a galon vad,  
Evit netra da labourat  
En o comannan Rosangoat.

Ar zon-ma neus composit  
An autrou Bourjet  
En honor he vignonet  
Pere tout vitan deuz poagnet  
Da veurz, seiz varnuguen  
Mil eiz cant tregont ac uguen.

E ty Ar Goffik, e Lanhuon.